



IKINYAMAKURU K'IMIHINDAGURIKIRE Y'IKIRERE No 15, KIGENEWE

ABAHINZI- BOROZI IGICE CYA GATATU GICURASI (21-31), 2020

Cyasohotse ku itariki ya 02 Kamena 2020

Iriburiro

Mu minsi icumi y'igice cya gatatu, Gicurasi 2020 kuva tariki ya 21 kugeza tariki ya 31, ahenshi mu gihugu nta mvura yaguye. Ahaguye imvura ni kubupimiro bwa Busogo hapimwe milimetero 2.4 no ku bupimiro bwa Rusizi hapimwe milimetero 22.4. Imvura yaguye ikaba yari nke cyane ugereranyije n'isanzwe igwa muri ayo matariki mu gihe cy'imyaka myinshi.

Ibipimo by'ubushyuhe ni nk'ibisanzwe mugice cya gatatu cya Gicurasi ariko bikaba bigaragara ko ubushyuhe bwo hejuru bwiyongereye naho ubushyuhe bwo hasi bugabanukaho gato ugereranyije n'iminsi icumi ishize; Iyipimo cy'ubushyuhe bwo hejuru cyari hagati ya dogere Selisiyusi($^{\circ}\text{C}$) 21.5 muri Gicumbi na 31.6°C mu Bugarama naho igipimo cy'ubushyuhe bwo hasi cyari hagati ya 10.9°C ku bupimiro bwa Busogo na 18.9°C ku bupimiro bwa Bugarama.




Ishusho 1: Imvura yaguye ugereranyije n'isanzwe igwa muri iyo minsi.

1.0. Imvura yaguye

Aha turerekana ingano y'imvura yaguye, umubare w'iminsi imvura yaguye n'ubuhere bw'ubutaka mu minsi icumi y'igice cya gatatu cya Gicurasi 2020.

1.1. Ingano y'imvura yaguye

Ikarita ya mbere hasi irerekana ingano y'imvura yaguye mu minsi icumi y'igice cya gatatu cya Gicurasi 2020. Igiteranyo cy'imvura mu minsi icumi y'igice cya gatatu cyari hagati ya milimetero 0 na milimetero 22.4 ; ni ukuvuga ko ahenshi mugihugu nta mvura yaguye uretse ku bupimiro bwa Busogo mu karere ka Musanze mu Ntara y'Amajyaruguru (2.3mm) no ku ubupimiro bwo ku kibuga cy'indege cya Kamembe mu karere ka Rusizi mu Ntara y'Iburengerazuba haguye imvura ingana na 22.4mm. Ahandi hasigaye nta mvura yaguye.




Ikarita ya 1: Ingano y'Imvura muri mm

1.2 Imvura isanzwe igwa mu minsi icumi y'igice cya gatatu cya Gicurasi

Ufatiye ku bipimo by'igihe kirere, ikarita ya kabiri iratwerekana imvura isanzwe igwa mu minsi icumi y'igice cya gatatu cya Gicurasi. Ubusanzwe iki igice cya Gicurasi kigusha imvura iri hagati ya milimetero 7.8 na 33.1;


bigaragara ko ugereranyije imvura yaguye n'isanzwe igwa mu gihe kirekire, imvura yaguye yari nke cyane.



Ikarita ya 2: Imvura isanzwe igwa mu gice cya gatatu cy'ukwezi kwa Gicurasi


1.3. Umubare w'iminsi imvura yaguyemo

Ikarita ya 3 iragaragaza umubare w'iminsi imvura yaguyemo, mu gice cya gatatu mu kwezi kwa Gicurasi 2020. Umunsi tubara ko wagushije imvura ni uwapimweho byibuze milimetero 0.85 cyangwa nyinshi. Muri rusange ahenshi mu gihugu nta mvura yaguye uretse imvura yaguye umunsi umwe ku bupimiro bwa Busogo ndetse no kubupimiro bwo ku kibuga cy'indege cya Kamembe yaguye iminsi ibiri.



Ikarita ya 3: Umubare w'iminsi imvura yaguyemo

1.4 Ubuhehere bw'Ubutaka



Ikarita ya 4: Ubuhehere bw'ubutaka


Ikarita ya 4 iragaragaza ko muri rusange ahenshi mu gihugu ubuhehere bw'ubutaka muri iyi minsi icumi y'igice cya gatatu cya Gicurasi 2020 bwaragabanutse cyane bitewe n'ibihe by'izuba byaranze iyi minsi. Hateganyijwe ko ubuhehere bw'ubutaka buzakomeza kugabanuka mu gice cya mbere cya Kamena bitewe n'uko imvura izakomeza kugabanuka.

2.0. Iyipimo by'ubushyuhe

Aha turareba muri rusange uko ibipimo by'ubushyuhe bwo hejuru no hasi hirya no hino mu gihugu byari bimeze.

2.1 Igipimo cy'ubushyuhe bwo hejuru


Ikarita ya 5 irerekana ubushyuhe bwo hejuru. Ugendeye ku bipimo by'ubushyuhe dusanzwe dupima, ahenshi mu gihugu ubushyuhe bwari mu kigereranyo cy'impuzandengo y'igihe kirekire; mu Ntara y'Iburasirazuba, mu Mujyi wa Kigali, ndetse n'igice kinini cy'Iburengerazuba cyane cyane mu Majyepfo yaho niho hashyushye kurusha ahandi mu gihugu naho mu Ntara y'Amajyaruguru akaba ariho hakonje ugereranyije n'ahandi mu gihugu. Iyipimo by'ubushyuhe byari hagati ya dogere Selisiyusi 21.5 na 28.1 ahenshi mu gihugu; uretse ku bupimiro bwa Bugarama hashyushye cyane hapimwe dogere selisiyusi 31.6. Ugereranyije n'iminsi icumi yigice cya kabiri cya Gicurasi ubushyuhe bwo hejuru bwiyoungereyeho gato



Ikarita ya 5: Ubushyuhe bwo hejuru

2.2. Igipimo cy'ubushyuhe bwo hasi

Ikarita ya gatandatu irerekana uko ubushyuhe bwo hasi bwanganaga. Ubushyuhe bwo hasi bwari hagati ya Dogere Selisiyusi 11.8⁰C (Gicumbi) na Dogere Selisiyusi 18.9⁰C (Bugarama). Mu Majyaruguru y' u Rwanda niho hakonje cyane kurusha utundi duce tw'igihugu. Ugereranyije n'iminsi icumi y'igice cya kabiri cya Gicurasi ubushyuhe bwo hasi bukaba bwaragabanutseho gato.



Ikarita ya 6: Ubushyuhe bwo hasi

3.0 Iteganyagihe rigenewe abahinzi mu minsi icumi y'igice cya mbere cya Kamena (tariki 01-10) 2020

3.1 Ikirere giteganyijwe

Mu gice cya mbere cy'ukwezi kwa Kamena (hagati y'italiki ya 1 niya 10 Kamena) mu Rwanda hateganyijwe kurangwa n'imvura nke ndetse iminsi myinshi ikaba itazagusha imvura. Ibi bigaragaza icika ry'imvura y'Itumba ndetse n'itangira ry'Impeshyi. Muri iki gice cya mbere cya Kamena, Mu Rwanda hateganyijwe imvura iri hagati ya milimetero 0 na 15mm muri rusange. Mu turere twa Rubavu n' igice gito cy'akarere ka Musanze, Rutsiro, na Nyabihu hateganyijwe imvura iri hagati ya milimetero 10 na 15.

Mu bice bisigaye by'aturere twa Musanze, Rutsiro na Nyabihu, hakiyongeraho akarere ka Nyamasheke n'igice cy'akarere ka Burera, Ngororero, Karongi, Nyamagabe na Rusizi hateganyijwe imvura iri hagati ya milimetero 5 na 10 naho ahasigaye hose hateganyijwe imvura nke iri muni ya milimetero 5. Iyi mvura iteganyijwe hagati y'italiki 4 na 5 Kamena 2020 ikaba izaturuka ku miterere y'ahantu. Imvura iteganyijwe hagati y'itariki ya 1 – 10 Kamena 2020 iri muni y'impuzandengo y'imvura isanzwe igwa muri icyo gihe mu gihugu hose. Ikigereranyo cy'imvura isanzwe igwa muri Kamena hagati y'itariki ya 1 – 10 iri hagati ya mm 0 na 30 bitewe n'ahantu.



Ikarita ya 7: Iteganyagihe ry'imvura mugice cya mbere cya Kamena

3.2 Ibirebana n'imirimo y'ubuhinzi

Dushingiye ku bipimo bigaragaza ko imvura irimo gucika ndetse ikazagabanuka cyane mu gice cya mbere cya Kamena 2020 (tariki 01-10), abahinzi barashishikarizwa gukomeza gukurikiranira hafi ibihingwa ndetse baka nabivomerrera aho biri ngombwa kandi bakomeza kugisha inama abashinzwe ubuhinzi babegereye. Barashishikarizwa kandi kujya basura urubuga rwa Meteo Rwanda www.meteorwanda.gov.rw, cg guhamagara umurongo utishyurwa 6080.